



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt V. Primos homines ante lapsum omni perturbatione vitiosoq[ue]
motu caruisse.

[urn:nbn:de:hbz:466:1-46059](#)

CAPVT V.

*Primos homines ante lapsum omni perturbatione
vitiosq; motu caruisse.*

IN illo quippe felicissimæ suauissimæque libertatis statu, vt nihil erat in optimè temperato corpore quod languorem afferre, aut dolorem facere, aut generare morbum posset: ita nihil erat in animo sano optimèque constituto, quod vel præter rationis imperium moueretur, aut quod illius quidem excitatum iussu, post tamen tanquam arbitratu suo iam insoleceret, mentisque tranquillissimum statum perturbaret: aut quod bene cupientē facere, in diuersum traheret atque impelleret. Sicut enim in corpore sanitas est temperies bona, & qualitatum quatuor velut concordia quædam & cōmoderatio: ita animus tum demum conuenienti sibi fruitur sanitate, cùm inter ipsas eius facultates concordia coalescit. Quas vbi pugnare inter se luctatiique contigerit, tum in perturbato sic animo, vti in corpore, sanitas esse non potest. Sanitatem enim animorum positam in tranquillitate quadam constanterque, ipsi quoque philosophi rectissimè censuerunt, omnesque perturbationes, morbos appellantur. Nam cùm omnis perturbatio, sit animi motus, aut rationis *Lib. 3. Tuscul.* expers, aut rationem aspernans, aut rationi non obediens: quomodo qui sic afficiatur animus, nō in morbo aliquo esse videatur? Cùm igitur ita constitutus est animus, vt natura ratioque postulat; tum sanus est. constitutus autem ita est, cùm & mens subiectur Deo, & ipsi menti, cui totius animi regnum à natura tributum est, inferiora parēt, nulloq. turbido motu aduersantur. Quoniam igitur hominem rectum, sicuti scriptum est, eoque ipso integrum & sanum, omnium opifex Deus condidit: perspicuum est pacata in illo hæc tranquillaque fuisse; nec illam exstitisse in eo rixam

partium, de qua scriptum est, Caro concupiscit aduersus spiritum, & spiritus aduersus carnem. Et enim si propere ea se conqueritur Apostolus infelictem esse, quod auersos à ratione & lege Dei carnis mortis pateretur; procul sit ut in tantæ beatitudinis loco, fuisse tantum infelicitatis opinemur. Nec igitur illæ tum fuissent affectiones, quæ ex mali vel impudentis vel præsentis opinione oriuntur. velut timor & dolor, seu tristitia. quis enim dici beatus possit qui vel mali timeat aliquid quod impendere sibi putet, aut in mœrore sit, quia id sibi accidisse arbitretur? Quid autem vel timere vel dolere poterant illi homines, inquit

Lib. 14. de ei-
ut. Dei, c. 11. Augustinus, in tantorum tanta affluētia honorū, ubi nec mors metuebatur, nec vlla corporis malavaletudo: nec inerat quicquā, quod carnē animūmve feliciter viventis offendere? Est aliud affectionum genus, quæ boni opinione sequuntur. Altera lætitia & gaudiū ex opinione boni præsentis: Altera spes & cupiditas ex boni absentis opinione. Quāquam autē ille status iis omnino caruisset affectionibus, quæ opinione mali gignuntur: non quod vitiosos malosve faciant, cum nec Christus Dominus eorum fuerit expers; sed quia faciant miseros, nec beatitudinis sedī conueniant; tamen posteriores quæ ex opinatis oriuntur bonis, saltem non turbidas & immoderatas, non exclusisset. Non enim illie elata illa & gestiens futileque latitia fuisset, aut libido & ardens auidaque cupiditas, quæ sit immoderata appetitio opinati magni boni, rationi non obtemperans. Sed neque amor & gaudium propter tantorum præsentiam honorum, neque desiderium & spes, propter tranquillam exspectationem bonorum æternorum, ab illius sede felicitatis absuissent. Fuisset enim cōiugum inter ipsos fida sinceraque societas, & amor mutuus, atque ex hoc amore grande gaudium, inquit Augustinus, non desistēte quod amabatur ad fruendum. Nam

vii om.

vti omnino non dolere, tantisper dum hoc in loco calamitatum plenissimo versamur, non sine magna mercede contingit immanitatis in animo, ac stuporis in corpore: ita in illo tantæ felicitatis loco non gaudere, quis nisi stupidus, magni stuporis esse negaverit? Illa igitur quæ Græcè apathia dicitur, quæ si Latinè posset, impassibilitas diceretur, si sic intelligenda est, ut sine his affectionibus vivatur, quæ contra rationem accidunt mentemque perturbant; bona planè & maximè optanda est, vitæque illius erat. Verum si illa apathia dicenda est, cum animum omnino contingere non potest ullus affectus, quis hunc stuporem non iudicet omnibus vitiis esse peiorem? Itaque primi illi homines si optabilem sui status integratatem conseruassent, non quidem affectionibus seu passionibus istis caruisserint; sed eas rectas, quod esset amor ipsorum rectus, & rationi obtemperantes habuissent. At in nobis rationis iudicium sæpenumerò præueniunt, animique serenitatem tanquam exorta tempestate, densius obnubilant, quietemque perturbant: nec reprimi commo^{re} semel, pro voto possunt. Quod si status ille neque immoderatam ex ullius præsentia boni lætitiam, neque ardentius quam par sit, absentis boni desiderium admisisset: multo profectò minus vitiosos ex genere suo pati potuisset affectus; quos nō modò ne effluant modumque suum excedant, regi, sed & euelli radicitus, ne omnino insint, atque frenari & cohiberi necesse est, ne ad illa rapiant quæ perpetrari lex vetat. Nullus igitur tum iracundus aut inuidus, libidinosus aut intemperans esse omnino potuisset. Nam ipsi quoque philosophi, sed ex eorum numero qui ad veritatem propius accesserūt, iram atque libidinem, vitiosas animi partes esse confessi sunt: eo quod turbidè atque inordinatè mouerentur ad ea etiam, quæ perpetrari sapientia non vetat: ideoque opus habere moderatrice

mente

*Vide August.
lib. 14. de ci-
uit. Dei, c. 19.*

mente atque ratione. quam partē animi tertiam, velut
in arce quadam ad istas regendas perhibent colloca-
tam: vt illa imperante, his servientibus, possit in ho-
mine iustitia ex omni parte conseruari. hinc cūm di-
xisset ille, *Ira furor brevis est:* adiunxit præceptum, quo
iuberet omnes istiusmodi pœnitendas affectiones co-
hiberi. — *animum, inquit, rege, qui nisi paret,*

Imperat: hunc frenis, hunc tu compescere catena.

Hæ partes igitur, quas & in homine sapiente ac tem-
perante fatentur esse vitiosas, in Paradiſo ante pecca-
tum vitiosæ non erant. Non enim contra rectam vo-
luntatem ad aliquid mouebantur, vt necesse esset ea
ratione tanquam frenis regéribus revocari atque com-
pesci. Quòd proinde nunc ita mouentur, etiam in ijs
qui temperanter & iuste pieque viuunt, vt freno sit
opus; non est profectò sanitas ex natura, sed languor
ex culpa, magnumque argumentum amissæ libertatis.
Quo magis mirandum est, à nonnullis in dubium re-
nocari, in quo primi hominis tranquillitas & beata illa
pax constituta fuisset: vtrum in eo quòd caro aduersus
spiritum nihil concupisceret; an verò in eo quòd vo-
luntas sine vlla tristitia & difficultate, intra recte ratio-
nis limites sese contineret, quantumcunque interim
caro, illa improbante atque renitente, solicitaret in di-
uersum. Fieri enim in primis nullo modo potest, vi-
menti bene constitutæ nō triste molestumq. sit, si pars
inferior, contra rectam voluntatem, ullam in rem mo-
ueatur. Quid enim aliud quām animi distractio quā-
dam est bellumque intestinum, si videlicet aliorum
caro concupiscendo rapiat, aliò mens revocet meliora
proponens? si carnis motibus atque insultibus mens
inuita resistat, & huius illa iudicium ac gubernacula,
suis obiectis delectata, repudiet? hæc igitur non esse
menti tristia molestaque poterunt? Est præterea pra-
uum hoc, neque cum plena rectitudine potest consi-
stere,

*Horat. lib. 1.
epist. Epist. 2.*

stere; vt is appetitus quem rationi penitus vt seruum natura subiecit, quasi suopie nutu ad aliquid moueat, atque effrenatè feratur. Quis enim pater familias, non ita malit familiā suam esse constitutam, vt neque faciant quidquam servi aut filij eius iniussu; & si quid iussi sunt aut permissi facere, inde quoque pro ipsius arbitratu decedant? Carere igitur animus ille curitate non potest, vbi appetitus inferior non ad nutum rationi ac menti obsecundat, vt neque priùs quam ratio dictauerit, neque aliud quidquam, neque vehementius quam illa velit, suo motu persequatur. Iam si appetitus ille propositæ voluptatis inescatus illecebris ad illicita fera ut (quod in proclivi sanè est, si suo quodam arbitratu ac impulsu moueat, non auditio priùs acceptio que rationis imperio) potestne id non vitioso, turpique ac detestando motu fieri? Quæ res si in homine primo contra rectam sanctamque voluntatem contigisset; quoniam obsecro modo non aliqua ex eo nasci potuisset offensio? Quisquis etenim verus est diuinæ legis amator, non id modò cauet ne ab illa discedat: verumetiam quantum eniti potest id agit, ne subditus quisquam eidem aduersetur. quod si minus fuerit affecitus, habere se putat vnde doleat atque lamentetur. Primæ igitur illius integritatis statum si animo volumus intueri, non ignorantiam modò & errorem voluntatisque vitia debemus ab homine sciungere: verumetiam turbidos omnes animi motus, & non obtemperantes iudicio rationis affectiones. neque enim aliter recta omnia & pacata tranquillaque & læta esse potuissent: id quod ille tamen beatitudinis locus postulabat. Sed neque iustitia sua plenitudo omni modo constitisset, quæ cum numeris omnibus est absoluta, legi quoque mentis aduersos concupiscentiæ motus exturbat. Sic enim breuiter Augustinus: Primum hominū, inquit, prima iustitia fuit, obedire Deo:

& hanc

Lib. 2. de peccat. meritis & remiss. cap. 22.

*Lib. 2. de vita
contempl. c. 18.*

& hanc in membris aduersus legem mentis suæ, legem concupiscétiæ non habere. Quid igitur, ait diuus Prosper, illo homine felicius, cui erat orbis subiectus, nullus infestus, liber animus, visibilis Deus?

CAPUT VI.

Pro diuerso hominum statu varia esse virtutum officia.

*Lib. 1. in Ioan.
cap. 9.*

NE Q V E verò propterea quatuor illi homini defuere virtutes, è quibus bonæ virtæ & honesta officia vniuersa ducuntur (dico Prudétiam, Iustitiam, Fortitudinem & Temperatiā) qui non tempore, inquit Cyrillus, sicuti nos, prudētiā didicit: sed statim à sui creatione perfectè sapiens fuit, ideoque omni perfectè genere virtutum instruētus. Ceterūm ea virtutes non in ijsdem omnino, quibus nunc officiis, versatae fuissent, nam neque iniurias iustitia propulsasset, ut nec misericordia, qui nulli tunc extitissent, opitular fuisset misericordia; neque aut timiditatem erexit fortitudo, aut iracundiam mansuetudo refrenasset, aut libidinem & ingluuiem cohibuisset temperantia. Non prudentia vitasset insidias: non se pietas prophanis erroribus obiecisset: nulla fuisset illic pœnitudo, ubi delictum nullum: aut erubescētia & pudor, ubi nihil turpe designaretur. Virtutum officia aut in pietate erga Deum, aut in charitate erga proximos, aut in regendis animi corporisque partibus, constituta fuissent. In his porrò omnibus exequendis, summa facultas & iucunda facilitas affuisset: neque quicquam omnino visum difficiens aut acerbius, quam à diuina lege discedere. Non igitur propterea vacuus fuisset ille status virtutibus, quod non ijsdem omni ex parte quibus nunc officiis sese prodidissent. Sunt enim officia virtutum, temporibus quæque suis congruentia, nam & in illa beata immortalitate, quis dubitet Christi regnū quatuor illas commenmoratas virtutes complexorum esse?